

Ո Ր Ո Շ ՈՒ Մ թիվ - 122
Վարչական տույժ նշանակելու մասին

«13» հուլիսի 2020թ.

ք.Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Մուկուչ Ծառուկյանի վերաբերյալ նյութերը.

Պ Ա Ր Զ Ե Ց Ի

2020 թվականի մայիսի 15-ին մաքսային հսկողության է ենթարկվել ՎՀ-ից Բավրայի մաքսային կետով ՀՀ ժամանած ՀՀ քաղաքացի Մուկուչ Ծառուկյանի կողմից վարվող և վերջինիս պատկանող <<DAF>> մակնիշի 95D0100 պետհամարանիշի բեռնատարը, որի արդյունքում հայտնաբերվել է մաքսային հսկողությունից թաքցված թվով 132 հատ /135 կգ/ <<Բուրյոնկա>> տեսակի սպրեդ:

Փաստի առթիվ Մուկուչ Ծառուկյանի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքները, որպես մաքսային կանոնների խախտման անմիջական օբյեկտ, վերցվել և ի պահ են հանձնվել «Ուրբան Լոջիստիք Սերվիսիս Տերմինալ» ՓԲ ընկերության մաքսային հսկողության տարածք:

Մուկուչ Ծառուկյանը բացատրություն է տվել այն մասին, որ իր ծանոթ Սամսոնի խնդրանքով ՎՀ Նինոցմինդա շրջանի Ժդանովկա գյուղից ՀՀ տեղափոխելու նպատակով վերցրել է 132 հատ սպրեդ և տեղադրել իր բեռնատարի սրահի ննջարանի տակի հատվածում, ինչի վրայից դրված է եղել իր անկողինը: Նշել է նաև, որ իր անձնական օգտագործման համար 25 կգ-ի չափով տարբեր ապրանքներ է տեղափոխել, որոնք տեղադրված են եղել սրահում տեսանելի հատվածում և Բավրայի մաքսային կետ բաժնում սահմանված կարգով հայտարարագրել է, իսկ սպրեդը հայտնաբերվել է մաքսային հսկողություն իրականացնող աշխատակիցների կողմից՝ <<Ռապիսկան>> սարքով անցնելուց հետո:

Վարույթի շրջանակներում ՀՀ ՊԵԿ ՄԴՊՎ ՇՏԲ Բավրայի բաժանմունքի ավագ տեսուչ մ/ծ կապիտան Է.Առաքելյանը 08.06.2020թ.-ին հայտնել է, որ 2020թ. մայիսի 15-ին ժամը 14:55-ի սահմաններում մաքսային հսկողության են ենթարկել Բավրայի մաքսային կետով ՎՀ-ից ՀՀ մուտք գործած Մուկուչ Ծառուկյանին պատկանող և վերջինիս կողմից վարվող <<DAF>> մակնիշի 95D0100 պետհամարանիշի բեռնատարը, որի սրահում հայտնաբերվել է մաքսային հսկողությունից թաքցված թվով 132 հատ <<Բուրյոնկա>> տեսակի չհայտարարագրված սպրեդ: Փաստի առթիվ ՀՀ ՄՕ 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն: Խախտումն արձանագրելուց որոշ ժամանակ անց Բավրայի կետ բաժնի հսկիչ անցագրային կետի մոտ մի քանի քաղաքացիներ՝ որոնց թվում ոմն Սամսոն, ցանկացել են մուտք գործել մաքսային կետ բաժնի տարածք, սակայն ՀՀ ԱԱԾ սահմանապահ զորքերի ծառայողների կողմից նրանց մուտքը արգելվել է, համաձայն ՀՀ պարետի որոշման՝ կապված կորոնավիրուսային համավարակի հետ: Նշված քաղաքացիները չեն ենթարկվել ՀՀ ԱԱԾ ՍԶ ծառայողների օրինական պահանջներին, ինչի արդյունքում սահմանապահ զորքերի վերակարգի տվյալ օրվա հերթափոխի պետը զանգահարել է ոստիկանության Աշոտցքի բաժին և հայտնել առերևույթ հանցագործության մասին, ինչից հետո ոստիկանության Աշոտցքի բաժնի աշխատակիցները ժամանել են դեպքի վայր և փաստի առթիվ ոստիկանության Աշոտցքի բաժնում նախապատրաստվել են նյութեր:

Վարույթի շրջանակներում Սամսոն Գասպարյանի մայր՝ Գրետա Գասպարյանը 16.06.2020թ. բացատրություն է տվել այն մասին, որ իրենք ապրում են ք. Գյումրիում, 17 հոգով 1 բնակարանում,

4 ընտանիքով՝ 7 անչափաս երեխաների հետ միասին: Քրոջ և եղբոր հետ որոշել էին ՎՀ-ից <<սպրեդ>> գնել՝ հալելու և կարագ ստանալու համար, քանի որ ունեն սոցիալական խնդիրներ: Խնդրել էին Մուկուչ Ծառուկյանին, որպեսզի վերջինս իր բեռնատարով ՎՀ-ից <<սպրեդ>> տեղափոխեր: Նախատեսել էին վարորդի համաձայնվելու դեպքում՝ 50 կգ-ը օրենքով սահմանված թույլատրելի 25 կգ չափաքանակներով վարորդի վերջինիս ընկերոջ անունով հայտարարագրել առանց մաքսային վճարների, իսկ ավելացված մասով մաքսագերծել, իսկ եթե վարորդը չհամաձայնվեր՝ ամբողջը մաքսագերծել: 15.05.2020թ. ամուսնու հետ գտնվել են Բավրայի մաքսային կետ բաժնի սահմանային կետի մոտ: Տեսնելով բեռնատարը ցանկացել են մուտք գործել Բավրայի կետ բաժին, որպեսզի կազմակերպեին իրենց <<սպրեդի>> ներմուծման հարցը, սակայն սահմանապահ գործերը թույլ չեն տվել մուտք գործել, պատճառաբանելով կորոնավիրուսով պայմանավորված սահմանափակումները: Իրենք խնդրել են վարորդին կամ մաքսայինի աշխատակիցներին կանչեն, որպեսզի ներկայացնեն իրադրությունը, սակայն իրենց խնդրանքը չի կատարվել, և իրենք ստիպված, չնայած արգելքին, ներխուժել են մաքսային կետ բաժին որպեսզի փոխանցեն գումարը վարորդին մաքսագերծման համար, սակայն իրենց դուրս են հանել:

Մաքսային հսկողությունից թաքցնելով << ներմուծված սպրեդի շուկայական արժեքը պարզելու նպատակով 25.05.2020թ. նշանակվել է ապրանքագիտական փորձաքննություն, որի կատարումը հանձնարարվել է << «Փորձագիտական կենտրոն» պետական ոչ առևտրային կազմակերպությանը:

<< «Փորձագիտական կենտրոն» պետական ոչ առևտրային կազմակերպության փորձագետի 30.06.2020թ. թիվ 14462010 եզրակացության համաձայն՝ փորձաքննությանը որպես նմուշ ներկայացված 1 հատ սպրեդի շուկայական արժեքը 2020 թվականի մայիսի 15-ի դրությամբ կարող էր կազմել 1200 << դրամ:

<< ՊԵԿ մաքսային հսկողության վարչության 09.07.2020թ. գրության համաձայն՝ 15.05.2020թ. դրությամբ << ներմուծված սպրեդի մաքսային արժեքը կազմել է 117871 << դրամ (մաքսատուրք՝ 14144 << դրամ, ԱԱՀ 26403 << դրամ): Նշվել է նաև, որ սպրեդի ներմուծման դեպքում կիրառվում են ոչ սակագնային կարգավորման միջոցներ:

Մուկուչ Ծառուկյանը ծանուցվել է գործի քննության վայրի և ժամանակի մասին, սակայն չի ներկայացել, առարկություններ, դիտողություններ չի ներկայացրել և գործի քննությունը կատարվել է նրա բացակայությամբ՝ հիմք ընդունելով << մաքսային օրենսգրքի 219-րդ հոդվածի 2-րդ մասը:

ԵԱՏՄ մաքսային օրենսգրքի Օրենսգրքի 260-րդ հոդվածի 14-րդ մասի 1-ին կետի համաձայն՝ որպես անձնական օգտագործման ապրանքների հայտարարատուներ կարող են հանդես գալ 16 տարին լրացած՝ անդամ պետությունների ֆիզիկական անձինք կամ օտարերկրյա ֆիզիկական անձինք՝ որոնք Միության մաքսային սահմանը հատելու պահին Միության մաքսային սահմանով ուղեկցվող ուղեբեռում տեղափոխվող անձնական օգտագործման ապրանքների նկատմամբ ունեն տիրապետման, օգտագործման և (կամ) տնօրինման իրավունք:

ԵԱՏՄ մաքսային օրենսգրքի Օրենսգրքի 2-րդ հոդվածի 1-ին կետի 25-րդ ենթակետի համաձայն՝ միության մաքսային սահմանով ապրանքների անօրինական տեղափոխում է համարվում՝ ապրանքների տեղափոխում Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող

փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով.:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Այսպիսով, նյութերով պարզվել է, որ 2020 թվականի մայիսի 15-ին Մուկուչ Ծառուկյանը, մաքսային հսկողությունից թաքցնելով՝ հայտնաբերումը դժվարեցնող եղանակով, տեղադրելով բեռնատարի սրահի ննջարանի տակի հատվածում՝ ՀՀ մաքսային սահմանով տեղափոխել է 117871 ՀՀ դրամ մաքսային արժեքով սպրեդ, այսինքն՝ Մուկուչ Ծառուկյանը թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, Մուկուչ Ծառուկյանի, Է.Առաքելյանի բացատրությամբ, <<DAF>> մակնիշի 95DO100 պետհամարանիշի բեռնատարի <<ռապիսկան>> նկարով, ՀՀ «Փորձագիտական կենտրոն» պետական ոչ առևտրային կազմակերպության փորձագետի 30.06.2020թ. թիվ 14462010 եզրակացությամբ և ՀՀ ՊԵԿ մաքսային հսկողության վարչության 09.07.2020թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206-րդ և 221-րդ հոդվածներով,


Ո Ր Ո Շ Ե Ց Ի՝

1. Մուկուչ Ծառուկյանին (ծնված՝ 04.12.1970թ., բնակվող՝ ՀՀ, ք.Գյումրի, Տ.Ճարտարապետի փ 2 22 ա բն 11, անձնագիր AT0460766) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել՝ 117871 ՀՀ դրամի չափով:

/վճարումը 900005024055 (կող-19) հաշվեհամարին/

2. ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ